



Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 33. Caput XIX. De gratiis expectativis, & Reservationibus.

[urn:nbn:de:hbz:466:1-67192](https://nbn-resolving.de/urn:nbn:de:hbz:466:1-67192)

Sæcul. XVI.

A C. 1562.

„bere, licebit etiam Synodo provin-
ciali, siqua in supradictis circa ex-
minationis formam addenda, remit-
tendave esse censuerit, providere.

Hoc decreto Synodus videtur sta-
bilire id, quod in variis Regionibus vo-
catur *concurfus*, qui tamen in Francia
non est usitatus.

§. XXXIII.

C A P U T XIX.

*De gratiis expectativis, & Reserva-
tionibus.*

”Decernit sancta Synodus, mandata
„de providendo, & gratias, quæ
„exspectativæ dicuntur, nemini am-
„plius, etiam Collegiis, Universitatibus,
„Senatibus, & aliis singularibus per-
„sonis, etiam sub nomine indulti, aut
„ad certam summam, vel alio quovis
„colore concedi, nec hactenus conces-
„sis cuiquam uti licere, sed nec refer-
„vationes mentales, nec aliæ quæcum-
„que gratiæ ad vacatura, nec induita
„ad alienas Ecclesias, vel Monasteria
„alicui, etiam ex sanctæ Romanæ Ec-
„clesiæ Cardinalibus, concedantur, &
„hactenus concessa abrogata esse cen-
„seantur.

Porro gratia exspectativa vocatur
Rescriptum, seu Pontificis diploma, quo
Collator beneficium proxime vacans,
ad

ad quod conferendum jus habet, cui-
dam Clerico in Papæ literis designato
conferre jubetur: mandata autem de
Providendo sunt idem, ac gratiæ exspe-
ctativæ, quæ non respiciunt beneficia
jamjam vacantia, sed duntaxat vaca-
tura, atque in hoc distinquuntur a pro-
visionibus ob cessionem, vel mortem,
quæ sunt circa beneficia jam actu
vacantia. Hæ gratiæ exspectativæ in
capite mox relato per Synodus abro-
gantur, excipiendæ tamen sunt illæ,
quæ concernunt Graduatos, atque Indulto
provisos, necnon illos, qui ob fidelitatis
juramentum, vel ob felicem Regni pos-
sessionem Regium diploma obtinuerunt.

Reservatio appellatur reservata Pon-
tifici facultas conferendi quædam be-
neficia, cuicunque ipsi bene visum fue-
rit, ita, ut Ordinarius Collator ejus-
modi beneficium conferre prohibeatur:
porro alia reservatio dicitur perpetua,
alia vero temporalis, ex quibus prior
fit, dum Papa quædam beneficia tam
sibi, quam suis Successoribus, Sacræ-
que Sedi reservat: posterior autem tunc
datur, quando quoddam beneficium
conferendi potestatem sibi reservat, quo-
ties sibi placuerit: ceterum solus Papa
reservatione uti potest, per hasce autem
Reservationes non privat Ordinarium
ipsa

Sæcul. XVI.

A. C. 563.

Sæcul. XVI. ipsa possessione, sed duntaxat usum ad
A.C. 1563. aliquod tempus ab eo removet.

§. XXXIV.

C A P U T XX.

De modo, quo caussæ in tribunali Ecclesiastico instituendæ sint.

”Causæ omnes, ad forum Ecclesiasticum quomodolibet pertinentes,
 ”etiamsi beneficiale sint, in prima instantia coram Ordinariis locorum duntaxat cognoscantur, atque omnino saltem infra biennium a die motæ litis terminentur: alioquin post id spatium liberum sit partibus, vel alteri illarum, judices superiores, alias tam men competentes, adire, qui caussam in eo statu, quo fuerit, assumant, & quamprimum terminari cūrent, nec antea aliis committantur, nec avocantur, neque appellations ab eisdem interpositæ per Superiores quoscumque recipiantur, eorumve commissio, aut inhibitio fiat, nisi a definitiva, vel a definitivæ vim habente, & cuius gravamen per appellationem a definitiva reparari nequeat. Ab his excipiatur causæ, quæ juxta canonicas sanctiones apud Sedem Apostolicam sunt tractandæ, vel quas ex urgente, rationabilique caussa judicaverit summus Romanus Pontifex per speciale rescri-